



Reykjavík 21.02.2017

Borgarráð Reykjavíkur

Tjarnargötu 11
101 Reykjavík

Hér með sendist útskrift úr gerðabók umhverfis- og skipulagsráðs frá 15. febrúar 2017 varðandi eftirfarandi mál.

Heklureitur

Lögð fram drög að samkeppnislýsingu, dags. 9. febrúar 2017, um lokaða hugmyndasamkeppni með forvali - fyrir skipulagssvæði sem afmarkast af Nóatúni til vesturs, Brautarholt og Skipholti til suðurs, Bolholti til austurs og Laugavegi til norðurs.

Samþykkt.

F.h. umhverfis- og skipulagssviðs




Erna Hrönn Geirsdóttir



Reykjavíkurborg
Umhverfis- og skipulagssvið

Laugavegur/Skipholt

Hugmyndasamkeppni um framtíðarskipulag
svæðis meðfram samgöngu- og þróunarárs
við Laugaveg



Dags. 9. febrúar 2017
KEPPNISLÝSING



Reykjavíkurborg í samstarfi við AÍ

SKIPULAGSFULLTRÚI
BORGARTÚN 12-14 105 REYKJAVÍK
SÍMI 411 1111 BRÉFASÍMI 411 3071
NETFANG: SKIPULAG@REYKJAVIK.IS

Efnisyfirlit

1	Aðdragandi	3
1.1	Inngangur	3
1.2	Markmið Reykjavíkurborgar	3
1.3	Afmörkun svæðis	4
1.4	Aðalskipulag Reykjavíkur 2010-2030	4
1.5	Núverandi aðstæður	5
2	Verkefni, leiðarljós og markmið samkeppninnar	6
2.1	Verkefnið	6
2.2	Leiðarljós	6
2.3	Megin markmið samkeppninnar eru:	7
3	Tilhögun samkeppni	8
3.1	Almennar upplýsingar	8
3.2	Forvalleiðin	8
3.3	„Wild Card“ leiðin	9
3.4	Lykildagsetningar	10
3.5	Keppnisgögn	10
3.6	Skipun dómnefndar	11
3.7	Skil á gögnum	11
3.8	Fyrirspurnir og skil	12
3.9	Úrslit, sýning, rýnifundur og varðveisla keppnistillagna	13
3.10	Samþykki keppnislýsingar	13

1 Aðdragandi

1.1 Inngangur

Reykjavíkurborg og lóðarhafar Laugavegar 168-174 hafa komist að samkomulagi um tilfærslu á starfsemi Heklu frá lóðinni. Í framhaldinu er nú fyrirhuguð skipulagssamkeppni um lóðina og nærliggjandi svæði með það að markmiði að stuðla að uppbyggingu blandaðrar byggðar íbúðar, verslunar og annarrar atvinnustarfsemi ásamt þróunar á sýndar Laugavegs yfir í borgargötu. Fyrir liggur einnig áhugi lóðarhafa Laugavegs 176 að auknum uppbyggingarmöguleikum frá því sem nú er. Markmið þeirra er að styrkja svæðið með nýju hóteli og atvinnurýmum á jarðhæð gamla Sjónvarpshússins, sjá nánar fylgiskjöl með keppnisgögnum um vilja lóðarhafa til uppbygginga.

Tækifæri eru því til að skoða skipulag umræddra lóða og nærliggjandi svæða heildstætt m.t.t. til uppbyggingar og eflingar á svæðinu í heild sinni. Einnig er gert ráð fyrir að á fyrirhuguðum þróunar- og samgönguás byggist upp hágæða almenningssamgöngukerfi í sérrými (Borgarlína). Gert er ráð fyrir að Borgarlínan verða ráðandi í götumyndinni og er hún ein helsta forsenda aukins byggingarmagns og endurnýjunar svæðisins.

Vinnuhópur innan Umhverfis- og skipulagssviðs var skipaður til að hefja undirbúning að skipulagssamkeppni en vinnuhópurinn skipa:

Björn Ingi Edvardsson, landslagsarkitekt
Hildur Gunnarsdóttir, arkitekt
Jón Kjartan Ágústsson, skipulagsfræðingur

Vinnuhópurinn lagði til að haldin yrði hugmyndasamkeppni um skipulag svæðisins þar sem fjórir ráðgjafahópar eru valdir eftir stigagjöf í forvali ásamt vali eins hóps eftir svokallaðri „Wild Card“ leið. Greitt verður fyrir þátttöku þeirra hópa sem eru valdir í forvalinu og verðlaunað er fyrir fyrstu verðlaun að auki. Stefnt er að deiliskipulagsgerð í kjölfar samkeppninnar.

1.2 Markmið Reykjavíkurborgar

Kallað er eftir hugmyndum að skipulagi og hönnun sem stuðlar að framgangi megin stefnu gildandi Aðalskipulags Reykjavíkur 2010-2030. Um yrði að ræða þetta, blandaða og vistvæna byggð í tengslum við góðar almenningssamgöngur í samræmi við stefnu aðalskipulagsins um t.d. hæðir húsa, gæði í manngerðu umhverfi og grænum lausnum. Að sannfærandi tengingar séu sýndar á milli svæða og að tekið sé tillit til aðliggjandi byggðar með styrkingu svæðisins sem megin markmið til að skapa ný tækifæri til búsetu og þjónustu á svæðinu. Áhersla verði

lögð á þjónustu á jarðhæðum og ný og spennandi almenningsrými. Reiturinn er lykilsvæði á samgöngu og þróunarásnum.

1.3 *Afmörkun svæðis*

Skipulagssvæðið afmarkast af Nóatúni til vesturs, Brautarholt og Skipholti til suðurs, Bolholti til austurs og Laugavegi til norðurs. Skipulagsmörkin við Laugaveg eru yfir alla götuna þar sem huga þarf að framtíðarlegu Borgarlínu um svæðið og mögulegri uppbyggingu meðfram götu sunnan og norðan til. Skipulagssvæðið er alls um 6 hektarar að stærð. Lykiláhersla er lögð á þróun og uppbyggingu meðfram samgöngu- og þróunarásnum við Laugaveg 168-176.



Mynd 1. Afmörkun samkeppnissvæðis

1.4 *Aðalskipulag Reykjavíkur 2010-2030*

Í Aðalskipulagi Reykjavíkur 2010-2030 er Laugavegur skilgreindur sem hluti af samgöngu- og þróunarás (Borgarlínu), Örfirisey-Keldur, þar sem markmið er að þetta byggð meðfram ás almenningsgangna á milli miðborgar og lykil þróunarsvæða í austri. Í aðalskipulaginu kemur fram að við endurskipulagningu svæða sem liggja við ásinn skuli taka mið af því að núverandi götur þróist sem borgargötur með sérakreinum fyrir almenningsgöngur (Borgarlínu) meðfram ásnum og huga skuli að því að auka þéttleika byggðar sérstaklega í grennd við biðstöðvar á ásnum.

Umrætt svæði er með skilgreinda landnotkun M2b/p31 í aðalskipulagi: **P31 Holt-Laugavegur:** „Fyrst og fremst rýmisfrekar smásöluverslanir, skrifstofur, stofnanir, ýmis ráðgjafar- og þjónustufyrirtæki, hönnunarfyrirtæki og handverk, hótél og veitingastaðir. Þar sem aðstæður leyfa er íbúðarhúsnæði heimilt, einkum á efri hæðum bygginga. Gert er ráð fyrir all nokkurri þéttingu byggðar á svæðinu, ekki í síst í því skyni að skapa heildstæðari götummyndir “

Gert er ráð fyrir að gerð verði aðalskipulagsbreyting m.t.t. fjölgunar íbúða á reitnum í kjölfar niðurstöðu samkeppinnar.

1.5 Núverandi aðstæður

- Staðhættir,
- Starfsemi,
- Núverandi byggingarmagn,
- Byggðamynstur,
- Landslag,
- Aðgengi og aðkomur,
- Samgöngur
- o.fl.

2 Verkefni, leiðarljós og markmið samkeppninnar

2.1 Verkefnið

Svæðið við Laugaveg-Skipholt er skilgreint sem þéttingareitur/þróunarsvæði og er tæplega 12 hektarar að stærð. Verkefnið í samkeppninni felst í að leggja fram hugmynd að heildarskipulagi svæðisins m.t.t. fyrirkomulags og þéttleika byggðarinnar í tengslum við samgöngu- og þróunarsinn við Laugaveg þar sem fyrirhuguð borgarlína er skilgreind skv. aðalskipulagi. Heklureitir er lykilsvæði innan skipulagssvæðisins.

2.2 Leiðarljós

Almenn leiðarljós samkeppninnar:

- ▶ **Samfélag:** Að skapa heildstæðar einingar sem fjarlægja hindranir og hvetja til jákvæðra samskipta á milli mismunandi alders- og þjóðfélagshópa.
- ▶ **Gæði byggðar:** Að skipulag byggðar myndi umgjörð um lifandi og aðlaðandi staði sem ýti undir aukin og gagnkvæm samskipti fólks og umhverfis.
- ▶ **Samgöngur:** Að verslun og þjónusta sé í göngufjarlægð frá öllum íbúum viðkomandi skipulagssvæðis. Gangandi og hjólandi umferð ásamt almenningsamgöngum verði sett í forgang.
- ▶ **Vistkerfi og minjar:** Að tryggja náttúrulegan fjölbreytileika lands, lífríkis, og menningarminja með markvissri verndun og viðhaldi. Að stuðla að gróðri og gæðum í umhverfismótun á skipulagssvæðinu.
- ▶ **Orka og auðlindir:** Stuðla skal að sjálfbærari nýtingu orku og auðlinda svo sem vatns, rafmagns og lands. Auka kolefnisbindingu með gróðri og hlutdeild endurvinnslu með markvissri úrgangsstjórnun.
- ▶ **Mannvirki:** Að greind séu sóknarfæri í verndun eða niðurrifi núverandi bygginga og að nýbyggingar taki mið af staðháttum. Að taka að auki tilliti til framþróunar í vistvænni byggingartækni og mannvirkjagerð sem verði skilyrtur hluti af framkvæmda- og byggingarskilmálum.
- ▶ **Náttúruvá:** Gera viðeigandi ráðstafanir og marka stefnu til að lágmarka hættu af völdum loftslagsbreytinga á lágsvæðum.
- ▶ **Lýðheilsa:** Að svæðið komi til móts við og ýti undir afþreyingu, útivist og hreyfingu almennings á sem fjölbreyttastan hátt allan ársins hring og ýti undir menningarstarfsemi.

2.3 *Megin markmið samkeppninnar eru:*

- ▶ Að leggja fram framsæknar skipulagshugmyndir fyrir reitinn með sérstakri áherslu á aukna nýtingu lykilsvæða sbr. mynd 1.
- ▶ Að sýna að aukin þétting á svæðinu stuðli að fjölbreyttu og aðlaðandi borgarumhverfi sem verði eftirsóknarvert til búsetu og starfa.
- ▶ Að sýna aðlögun reitarins að samgöngu- og þróunarás með hágæða almennings-samgöngukerfi í sérrými.
- ▶ Að sýna tillögu að staðsetningu stoppustöðvar „borgarlínu“, starfsemi við stöðina og ásýnd hennar í borgarumhverfinu.
- ▶ Að sýna heildstæða borgarmiðaða götummynd við Laugaveg með blandaðri byggð íbúðarhúsnæðis og atvinnustarfsemi. Heimilt er að gera tillögu að ásýnd götunnar beggja vegna þó skipulagssvæði sé afmarkað norðan götunnar.

Aðrar áherslur sem gera skal grein fyrir:

- ▶ Sýna sannfærandi tengingar samkeppnissvæðis við aðliggandi byggð.
- ▶ Sýna að yfirbragð, hæðir og form bygginga falli vel að umhverfinu.
- ▶ Sýna nýtingu á núverandi byggingum og/eða niðurrifi og nýbyggingum eftir því sem kostur er og við á.
- ▶ Sýna fram á samspil góðra almenningsrýma, bygginga og nærumhverfis.
- ▶ Sýna fram á vistvænar lausnir í samræmi við áherslur Aðalskipulags Reykjavíkur 2010-2030.
- ▶ Sýna fram á borgarmiðað umhverfi sem styður við vistvæna ferðamáta og hagkvæma nýtingu innviða borgarinnar.
- ▶ Að mælikvarði byggðar verði manneskjulegur og að byggðin móti umgjörð um fjölbreytt mannlíf.
- ▶ Að taka tillit til framþróunar í vistvænni byggingartækni og mannvirkjagerð.
- ▶ Sýna 3-5 hæða byggð en möguleiki er á hærri byggingum.

3 Tilhögun samkeppni

3.1 Almennar upplýsingar

Samkeppnin er skilgreind sem lokuð hugmyndasamkeppni og verða fjögur teymi valin að undangengnu forvali. Einnig verður stuðst við svokallaða „Wild Card“ leið fyrir reynsluminni teymi. Þeir sem sýna áhuga á að taka þátt í forvalinu en verða ekki valdir til þátttöku mega engu að síður senda inn tillögu, uppfylli þeir þau skilyrði um lágmarkskröfur sem koma fram hér að neðan í köflum 3.2 og 3.3. Þeir fá hins vegar ekki greitt fyrir sína tillögu en geta unnið til verðlauna eða innkaupa.

Öll teymin í samkeppninni fá greitt fyrir tillögur sínar kr. 2.000.000, auk vsk.

Reykjavíkurborg áskilur sér rétt til að nýta hverja tillögu að hluta eða í heild. Greitt verður aukalega kr. 1.500.000, auk vsk. fyrir verðlaunatillögu. Stefnt er að verðlaunahafi útfæri deiliskipulag, að því gefnu að samningar náist milli lóðarhafa og vinningsteymis.

Nafnleynd hvílir á framlögðum tillögum þar til dómnefnd hefur skilað álitinu. Allar tillögur og öll samskipti verða á íslensku. Þátttakendur fá greitt eftir að skilagögn hafa borist og tillögur dæmdar, að því gefnu að teymi hafi unnið tillögur sínar í samræmi við keppnislýsingu og kröfur sem lagðar eru fram í lýsingunni.

Forvalsnafnd skipa eftirfarandi aðilar:

Verkefnisstjóri hjá skipulagsfulltrúa (RVK)

Verkefnisstjóri hjá skipulagsfulltrúa (RVK)

Fulltrúi (AÍ)

3.2 Forvalsleiðin

Gerðar eru lágmarkskröfur um hæfni þátttakenda til að öðlast þátttökurétt. Gefin eru stig fyrir þátttöku og árangur í samkeppnum sl. 10 ár ásamt því að hópar skili inn greinagerð þar sem fram koma grófar hugmyndir um hvernig hópurnir sér fyrir sér að vinna tillöguna og grófa hugmynd að notkun svæðisins. Þeir sem flest stig hafa eru valdir til þátttöku í keppninni.

- ▶ Gerð er krafa um að þátttakendur myndi þverfaglegt teymi sérfræðinga sem samsett er af minnst tveimur af fjórum tilgreindum fagstéttum
- ▶ Kostur er að teymi séu fjölbreytt er varðar reynslu, aldur og kyn
- ▶ Lágmarkskrafa er að þátttakandi í teymi sé arkitekt, landslagsarkitekt, skipulagsfræðingur eða verkfræðingur
- ▶ Skilyrði að einhver í teymi sé skráð/ur vef Skipulagsstofnunnar
- ▶ Stigagjöf, miðast við vinnu s.l. 10 ára
- ▶ Greinagerð (300-500 orð) sem skýrir hvernig hópurnir hyggjast nálgast verkefnið, greining

á staðháttum, sýn á þróun svæðisins m.t.t samgöngumiðaðrar þróunnar. Uppsetning frjáls með eða án mynda/teikninga, hámarksstigafjöldi **30 stig**

▶ Hvert sambærilegt verkefni (þróun skipulags á byggðu svæði): 6 stig hvert verkefni, hámarksstigafjöldi **18 stig**

▶ 1.-3. sæti í skipulagssamkeppni: 5 stig hvert sæti, hámarksstigafjöldi **15 stig**

▶ Innkaup eða viðurkenning fyrir athyglisverða tillögu í skipulagssamkeppni: 5 stig hver innkaup eða viðurkenning, hámarksstigafjöldi **15 stig**

▶ 1.-3. sæti í hönnunarsamkeppni: 3 stig hvert sæti, hámarksstigafjöldi **6 stig**

▶ Innkaup eða viðurkenning fyrir athyglisverða tillögu hönnunarsamkeppni: 3 stig hver innkaup/viðurkenning, hámarksstigafjöldi **6 stig**

▶ Þátttaka í samkeppni: 2 stig hver þátttaka, hámarksstigafjöldi **10 stig**

Að hámarki er því hægt að fá 100 stig. Fylla skal inn í töflu sem er aðgengileg á uppgefnu vefsvæði í auglýsingu. Í forvalinu er miðað er við að velja fjóra umsækjendur sem uppfylla að lágmarki 75 stig til þátttöku í samkeppnina. Ef fleiri en fjórir umsækjendur uppfylla 75 stig verða tveir stigahæstu valdir til þátttöku. Ef fleiri en tveir verða stigahæstir verður dregið um þessi tvö efstu sæti þeirra á milli. Dregið verður um hin tvö sætin sem eftir eru úr hópi þeirra umsækjanda sem uppfylla 75 stig. Ef færri en fjórir umsækjendur uppfylla 75 stig eru valdir fjórir stigahæstu umsækjendurnir til þátttöku.

3.3 „Wild Card“ leiðin

Reykjavíkurborg vill stuðla að fjölbreytni í tillögum og styðja við þátttöku nýrra aðila í skipulagssamkeppnum. Þau teymi eða aðilar sem vilja sækja um sem „Wild Card“ þurfa að uppfylla eftirfarandi skilyrði. Dregið verður um 1 sæti úr gildum umsóknum í Wild Card leiðinni.

▶ Gerð er krafa er um að þátttakendur myndi þverfaglegt teymi sérfræðinga sem samsett er af minnst tveimur af fjórum tilgreindum fagstéttum.

▶ Kostur er að teymi séu fjölbreytt er varðar reynslu, aldur og kyn.

▶ Lágmarkskrafa er að þátttakandi í teymi sé arkitekt, landslagsarkitekt, skipulagsfræðingur eða verkfræðingur.

▶ Skilyrði að einhver í teymi sé skráð/ur vef Skipulagsstofnunnar.

▶ Hámark 7 ár frá útskrift, allavega helmingur teymis þarf að hafa útskrifast árið 2010 eða síðar.

3.4 Lykildagsetningar

▶ Forval auglýst	18. febrúar 2017
▶ Forvals umsóknarfrestur	6. mars 2017
▶ Niðurstöður forvals	13. mars 2017
▶ Samkeppni hefst	20. mars 2017
▶ Fyrirspurnarfrestur	10. apríl 2017
▶ Svör við fyrirspurnum	19. apríl 2017
▶ Skil á gögnum	15. maí 2017
▶ Dómnefnd lýkur störfum	5. júní 2017

3.5 Keppnisgögn

Auk keppnislýsingar verður keppendum útveguð eftirtalin gögn, sem verða gerð aðgengileg á samkeppnissvæði borgarinnar www.hugmyndasamkeppni.is

- ▶ Aðalskipulag Reykjavíkur 2010-2030, ásamt greinargerð. sjá jafnframt önnur gögn á www.adalskipulag.is
- ▶ Gildandi deiliskipulagsáætlanir á reitnum.
- ▶ Stafrænn kortagrunnur.
- ▶ Loftmynd af keppnissvæði.
- ▶ Húsakönnun og fornleifaskráning frá Borgarsögusafni.

Ítarefni/ fylgiskjöl

- ▶ Upplýsingar um Borgarlínu og einkenni byggðar næst henni.
- ▶ Kort sem sýnir legu Borgarlínu á Laugavegi.
- ▶ Sneiðmynd, sýnidæmi um legu borgarlínu í götu.
- ▶ Viljayfirlýsing milli Reykjavíkurborgar og Heklu.
- ▶ Áherslur lóðarhafa gamla Sjónvarpshússins um uppbyggingarmöguleika.
- ▶ Áherslur lóðarhafa við Laugaveg 168-176 um uppbyggingarmöguleika.

Þess utan er bent á eftirtalin lög og reglugerðir:

- ▶ Samkeppnisreglur FÍLA.
- ▶ Skipulagslög nr. 123/2010.
- ▶ Lög um mannvirki nr 160/2010.
- ▶ Skipulagsreglugerð nr. 90/2013.
- ▶ Byggingarreglugerð nr. 112/2012.
- ▶ Lög um menningarminjar nr. 80/2012.
- ▶ Menningarstefna í mannvirkjagerð.

3.6 *Skipun dómnefndar*

Um sjö manna dómnefnd er að ræða. Eftirtaldir eiga sæti í dómnefnd. Dómnefnd skal velja sér formann á fyrsta fundi:

- ▶ RVK
- ▶ RVK
- ▶ RVK
- ▶ Friðbert Friðbertsson, fh. lóðarhafa Heklu.
- ▶ Oddur Víðisson arkitekt, fh. lóðarhafa Reita.

- ▶ AÍ/FÍLA/Skipulagsfræðingafélagið
- ▶ AÍ/FÍLA/Skipulagsfræðingafélagið

Ritari dómnefndar er:

▶

Eftirfarandi aðilar hjá Reykjavíkurborg verða dómnefnd til ráðgjafar. Dómnefnd er auk þess heimilt að kalla til sín aðra en að ofan greinir, mun trúnaðarmaður tilkynna það skráðum þátttakendum í tölvupósti:

- ▶ Ólöf Örvarsdóttir, sviðsstjóri umhverfis- og skipulagssviðs.
- ▶ Þorsteinn R. Hermannsson, samgöngustjóri.
- ▶ Haraldur Sigurðsson, deildstjóri aðalskipulags.
- ▶ Björn Axelsson, skipulagsfulltrúi.

3.7 *Skil á gögnum*

Þátttakendur skulu skila eftirtöldum gögnum bæði útprentuðum og á geisladiski:

- ▶ Greinargerð skal vera að hámarki 1000 orð. Þar er lýst er megininntaki tillögunnar. Greinargerð skal vera á uppdráttum en henni skal einnig skila á A4 í sex eintökum. Heimilt er að birta smækkuð afrit uppdrátta í A4 greinargerð.
- ▶ Yfirlitsmynd sem sýnir tengsl við nærliggjandi svæði og byggð í mælikvarða 1:2000
- ▶ Skipulagsuppdráttur í mælikvarða 1:1000 með norður upp.
- ▶ Aðrar skýringarmyndir og sneiðingar að eigin vali þáttakenda.
- ▶ Teikningar skulu vera í stærð A1 (59,4 x 84,1 cm), tvær eða þrjár arkir að vali keppenda. Teikningum skal skila upplímdum á pappa/ frauðkarton á ógegnsæjum pappír og skulu teikningar liggja lárrétt (landscape).
- ▶ Allur texti skal vera ritaður á vélrænan hátt.

► Uppröðun teikninga skal koma greinilega fram og uppdráttum skal skila í tveimur eintökum.

Gögnum skal einnig skilað á tölvutæku formi, PDF-formi, annaðhvort á disklingi eða á USB-lykli sem eru án allra auðkenna. Gögnum má ekki skila með netpósti. Tillögum skal skila í Þjónustuveri Reykjavíkurborgar, Borgartúni 12-14, 105 Reykjavík, til trúnaðarmanns, eigi síðar en kl. 16.00 þann 15. maí 2017. Trúnaðarmaður verður á staðnum og tekur á móti tillögum á milli kl. 14 og 16. Þeir sem óska eftir að skila tillögum fyrir þann tíma skulu hafa um það samráð við trúnaðarmann. Við afhendingu tillögu til trúnaðarmanns fær keppandi kvittun merкта auðkenni tillögunnar. Ófrávíkjanlegt skilyrði þess að tillögu sé veitt viðtaka og hún dæmd, er að henni sé skilað á réttum tíma skv. framangreindri keppnislýsingu og að nafnleyndar sé gætt.

3.8 Fyrirspurnir og skil

Aí skipar trúnaðarmann keppenda. Keppni hefst þegar gögn hafa verið afhent þeim sem eru valdir til þátttöku. Fyrirspurnir skulu öllum birtar og berast trúnaðarmanni eigi síðar en 10. apríl 2017 og verður svarað eins fljótt og kostur er.

Trúnaðarmaður, tilnefndur af Aí:

Öllum fyrirspurnum og athugasemdum skal beint til trúnaðarmanns. Nægilegt er að tillögum sé komið í póst eða flugafgreiðslu fyrir lok skilafrests, enda skal vottorð um það frá hlutaðeigandi afgreiðslumanni sent til trúnaðarmanns. Auk framanskráðs skal keppandi tilkynna trúnaðarmanni innan sólarhrings að tillaga hafi verið send. Í tilkynningunni skal koma fram auðkennistala tillögunnar. Tillögum verður ekki veitt viðtaka lengur en fimm dögum eftir að skilafresti lýkur. Aðsendar tillögur skal senda á heimilisfang trúnaðarmanns, og skal hafa samband við trúnaðarmann ef um slíkt er að ræða. Kvittun fyrir móttöku aðsendra tillagna verður send með tölvupósti.

Auðkenna skal öll tillögugögn með fimm stafa tölu í reit 2 x 5 cm í hægra horni að neðan. Ógegnsætt umslag, merkt sömu tölu og "nafnmiði", skal fylgja tillögunni. Í umslaginu skal vera miði með nafni, netfangi og símanúmeri höfundar eða höfunda og samstarfsmanna. Tillögum skal skila ósamanbrotnum og í flötum umbúðum. Umbúðir tillögu skal merkja á sama hátt og tillöguna og á þær skal ritaður fjöldi tillögublaða. Teikningum í ramma eða gleri verður ekki veitt viðtaka. Ófrávíkjanleg skilyrði þess að tillögu sé veitt viðtaka og hún dæmd, er að henni sé skilað á réttum tíma og nafnleyndar sé gætt.

3.9 Úrslit, sýning, rýnifundur og varðveisla keppnistillagna

Haldin verður sýning á öllum keppnistillögum sem uppfylla skilyrði keppinnar við fyrsta tækifæri eftir að dómnefnd hefur lokið störfum. Tillögunnar verða sýndar undir höfundarnafni. Útbjóðandi gefur út prentað dómnefndarálit. Í kjölfar kynningar á niðurstöðum samkeppinnar og opnun sýningar á tillögum verður haldinn opinn rýnifundur þar sem dómnefnd fer yfir dóm sinn. Þátttakendur verða sérstaklega boðaðir á þann fund sem haldinn verður á vegum AÍ. Hönnunarsafn Íslands mun fá allar keppnistillögur afhentar til varðveislu að sýningu lokinni. Eigendur tillagna munu hafa aðgang að þeim að höfðu samráði við starfsfólk safnsins.

Áætlað er að dómnefnd ljúki störfum 5. júní 2017. Strax og nafnaleynd hefur verið rofin verður höfundum fyrir 1. sæti, sérstaklega tilkynnt um niðurstöður dómnefndar. Fréttatilkynning um úrslit verður birt fjölmiðlum. Dómnefnd mun leggja áherslu á að gefa út heildarumsögn um keppnina, auk þess sem öllum tillögum verður gefin umsögn.

3.10 Samþykki keppnislýsingar

Keppnislýsing þessi ásamt samkeppnisreglum AÍ er grundvöllur keppinnar. Keppnislýsingin er samþykkt af útbjóðanda, dómnefndarmönnum og stjórn AÍ. Dómnefnd samþykkir að dæma eftir keppnislýsingu þessari.

Reykjavík _____ 2017

F.h. Reykjavíkurborgar

F.h. AÍ

F.h. dómnefndar
